


19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44



吉 440


597.1

部 - 5



地41)
5972
25
邦=





寶刻叢編卷第九

海豐吳式芬校刊

宋錢塘陳思纂次

京兆府下



醴泉縣

隋西平太守上官政墓誌

大業六年三月金石錄

隋王威猛墓誌

不著書撰人名氏威猛字繼叔瑯琊海曲人官

至候衛虎賁郎將碑以大業中立集古錄目

隋神武肅公紇豆陵墓誌

不著年月京兆金石錄

唐贈司空杜如晦碑

唐虞世基撰八分書無姓名驗其字畫蓋歐陽詢書也碑以貞觀四年立

金石錄

唐昭陵刻石文

按以上十一行原錯在四卷伊陽縣後

唐太宗御製歐陽詢八分書貞觀十年刻太宗為文德皇后立其文載於實錄今石刻已磨滅故世頗罕傳其略可見者有云無金玉之寶玩用之物木馬寓人有形而已欲使盜賊息心存亡無異又云俯視漢家諸陵猶如蟻垤皆被穿窬今營此陵制度卑狹用功省少望與天地相

畢永無後患其言非不丁寧切至也然竟不免溫韜之禍太宗英武聰明過人遠甚而於此眷眷不忘何哉以此知死生之際能超然無累者賢哲之所難也

金石錄

唐昭陵六馬贊

唐歐陽詢八分書初太宗以文德皇后之葬自為文刻石於昭陵又琢石象平生征伐所乘六馬為贊刻之皆歐陽詢八分書世或以為殷仲容書非是至諸降將名字乃仲容書耳

金石錄

唐昭陵四降王名

唐殷仲容書貞觀十年

金石錄

唐右僕射温彦博碑

唐中書侍郎岑文本撰宏文館學士歐陽詢書

温虞公名彦博字大臨太原人太宗時官至尙

書右僕射封虞國公謚曰恭碑以貞觀十一年

立

集古錄目

按以上二十二行原錯在第一卷東京後

唐贈潭州都督楊仁恭碑

貞觀十三年立

京兆金石錄

唐贈徐州都督秦瓊碑

唐許敬宗撰貞觀十三年

京兆金石錄

唐太宗尙服宗道墓誌

貞觀十四年立

京兆金石錄

唐揚州都督段志元碑

正書無書撰人姓名貞觀十六年立碑云君諱

某字志元而其名已殘缺然史初不載其名也

金石錄

唐贈司空魏鄭公碑

唐太宗御製并書徵字元成鉅鹿曲陽人位至

太子太師贈司空謚曰文貞碑以貞觀十七年

正月立

集古錄目

唐瑤臺寺碑

唐許敬宗撰諸葛思禎正書貞觀十八年立

金石錄

唐中書令贈廣州都督岑文本碑

貞觀十八年

京兆金
石錄

唐秦州都督姜確碑

唐于志寧撰僧智辨正書貞觀十九年十月立

金石錄

按以上二十二行原錯在
十卷文安縣主墓誌後

唐高士廉塋兆記

唐衛尉卿許敬宗撰趙模書高儉字士廉渤海

蔭人官至尚書右僕射申國公贈司徒諡曰文

獻碑以貞觀二十一年立

集古
錄目

趙模書字畫甚工蓋貞觀中太宗命臨蘭亭序

者碑年月殘缺高宗時立

金石錄

唐贈太常卿孔穎達碑

唐太子左庶子于志寧撰不著書人名氏穎達

字沖遠冀州衡

按原
作衛

水人官至太子右庶子國

子祭酒封曲阜公諡曰憲碑以貞觀二十一年

立

集古
錄目

世傳虞世南書據碑云穎達卒於貞觀二十二

年時世南之亡久矣然驗其筆法蓋當時善書

者規摹世南而為者也

金石錄

孔祭酒碑世傳虞永興書者非也沖遠之沒迺

後伯施十年豈非當時學永興法書者耶然筆

道媚亦自可珍東觀餘論

唐駙馬都尉楊師道碑

貞觀二十一年京兆金石錄

唐長廣長公主墓誌

正書無書撰人姓名貞觀二十二年十一月石錄

錄

唐巢王元吉女文安縣主墓誌

按以上二十二行原錯在十卷東魏逢元彥造像碑後

貞觀二十二年京兆金石錄

唐晉州刺史裴藝碑

唐上官儀撰正書姓名殘缺貞觀二十三年立

金石錄

唐上官儀撰褚遂良書京兆金石錄

陳張慧湛墓誌

不著書撰人名氏慧湛字彥沈涿郡范陽人仕

陳至南平王諮議參軍碑以唐貞觀二十三年

立集古錄

陳隋之間字書之法極於精妙而文章頽壞至

於鄙俚豈其時俗弊薄士遺其本而逐其末乎

按以上十一行原錯在四卷昭陵刻石文後

予家集錄所見頗多自開皇仁壽而後至唐高

宗以前碑碣所刻往往不減歐虞而多不著名
氏如鉗耳君清德頌或有名而其人不顯如丁
道護之類不可勝數也慧湛陳人至唐太宗時
始改葬爾其銘刻字畫遒勁有法翫之忘倦惜
乎不知為何人書也

集古錄

唐駙馬都尉蕭銑碑

貞觀中立

京兆金石錄

唐贈太常卿褚亮碑

書撰人名氏皆缺文為隸書亮字希明河南陽
翟人仕唐至散騎常侍宏文館學士贈太常卿

按以上十一行原錯在四卷阿史那忠碑後

諡曰康碑以貞觀中立

集古錄目

八分書無書撰人姓名年月殘缺高宗時立

唐贈太尉房元齡碑

碑缺不見書撰人名氏考其字畫褚遂良書也

元齡字喬清河人唐初官至司空梁國公贈太

尉諡曰文昭碑以貞觀中立碑缺不見年月

集古錄

目錄

文字磨滅斷續不可考究惟其名字僅存其後

題修國史河南公而名姓殘缺者褚遂良也碑

高宗時立

金石錄

唐駙馬都尉豆盧懷讓碑

永徽元年 京兆金石錄

唐贈并州都督豆盧寬碑

唐門下侍郎李義府撰正書不著名氏寬字 缺

恕位至光祿大夫封芮 按原作茂 國公贈并州都督

諡曰定碑以永徽中立在昭陵 集古錄目

唐光祿大夫豆盧寬碑永徽元年六月立 金石錄

唐太常卿薛收碑

唐于志寧撰書人不著名氏收位至天策府記

室太常卿定州刺史諡曰獻碑多漫滅志寧官

曾收字及鄉里葬之年月皆不可見 集古錄目

按以上二十二行原錯在四卷國子司業顏允南碑後

文字殘缺其可讀處以唐史校之無甚異同惟收之卒諡曰懿而史不書爾永徽六年八月立

金石錄

唐魏州刺史王波利碑

不著書撰人名氏忠公姓王氏名濤字波利越

嵩邛都人仕唐為內給事官至魏州刺史真定

縣公諡曰忠碑以永徽中立 集古錄目

唐贈荊州都督張公瑾碑

僧法琳撰蘇敬書永徽中立 京兆金石錄

唐贈幽州都督長孫儼碑

永徽中立京兆金

唐贈荊州都督長孫順德碑

永徽中立金石錄

唐安南都護姜簡碑

永徽中立京兆金

唐太子少師崔敦禮碑

唐尚書左僕射于志寧寧撰太常少卿于立政書

敦禮博陵人位至太子少師侍中中書令固安

縣公諡曰昭據唐書敦禮字安上而此碑曰君

諱安上字敦禮又曰本名元禮武德二年敕改

為敦禮前後自相乖誤當以敦禮為正碑以顯

慶元年十月立集古錄目

按以上二十二行原錯在十卷秦州都督姜確碑後

唐贈吏部尚書閣讓碑

顯慶元年京兆金

唐贈禮部尚書張俊按原作俊允碑

唐李義甫撰正書無姓名顯慶三年三月立在

昭陵復齋碑錄

唐贈司徒李靖碑

唐侍中許敬宗撰直宏文館王知敬書靖字葉

師隴西成紀人官至右僕射衛國公贈司徒諡

曰景武碑以顯慶三年五月立集古錄目

唐金吾衛大將軍梁敏碑

唐暢整書顯慶三年（原兆）金石錄

唐贈司徒尉遲恭碑

唐中書舍人許敬宗撰不著書人名氏恭字敬

德河南洛陽人官至開府儀同三司鄂國公贈

司徒并州都督諡曰忠武碑以顯慶四年三月

立集古錄目

唐蘭陵長公主碑

唐吏部尚書兼知中書門下事李義府撰慶州

刺史駙馬都尉竇懷哲書公主名淑字麗真太

宗之第十九女碑以顯慶四年十月立在百城

寺中集古錄目

唐贈荊州都督張仁貴碑

顯慶中立集古錄目

唐贈禮部尚書永興懿公虞世南碑

唐駙馬都尉遠將軍程宏亮碑

唐駙馬都尉唐義碑

唐駙馬都尉長孫曦碑

唐駙馬都尉交州都督竇懷哲碑

唐駙馬都尉工部尚書杞國公段倫碑

唐駙馬都尉長孫冲碑

唐駙馬都尉王大禮碑

唐駙馬都尉劉元懿碑

唐駙馬都尉韋正舉碑

唐駙馬都尉獨孤湛碑

唐駙馬都尉史仁表碑

唐駙馬都尉王恭碑

唐戶部尚書房仁裕碑

按此碑今存崔融撰房琳正書顯慶二年立

唐殿中監唐嘉會碑

唐光祿卿姜逵

按一本碑作逵

唐金州刺史盧貞松碑

唐寧州刺史賈義節碑

唐輔國大將軍嘉國公周仁護碑

唐原州都督李正朝碑

唐大將軍鴈門公梁建方碑

唐大將軍周國公鄭仁泰碑

唐大將軍芮國公豆盧行業碑

唐輔國大將軍史奕碑

唐左監門衛大將軍賀拔儼碑

唐輔國大將軍阿史那德昌碑

唐大將軍可汗阿史那步真碑

唐開府高陽郡恭公許敬宗碑

唐尉遲寶琪碑

二十九碑並京兆金石錄

唐趙國太妃楊氏碑

唐李儼撰暢整書京兆金
石錄

唐冠軍將軍許洛仁碑

龍朔二年京兆金
石錄

唐驃騎將軍乙速孤晟碑

正書無書撰人姓名麟德元年二月金石錄

唐清河公主碑

唐李儼撰暢整書麟德元年十月金石錄

唐盧國公程知節碑

唐侍中中書令行右相許敬宗撰暢整書知節

字義貞濟州東阿人官至鎮軍大將軍贈驃騎

大將軍碑以麟德二年十月立在昭陵集古錄目

唐鄭國夫人武氏碑

唐司列少常伯李安期撰前戎衛兵曹參軍殷

仲容八分書夫人名順字碑缺則太原壽陽人武

后之妹司衛卿賀蘭安石之妻封韓國夫人追

贈鄭國碑以乾封三年立集古錄目

唐衛州刺史蕭業墓誌

總章三年按一本
京兆金
石錄

唐司衛卿尉遲寶琳碑

唐侍中中書令行右相許敬宗撰饒部員外郎

直宏文館王知敬書寶琳字元瑜敬德之子位

至司衛卿碑以咸亨元年正月立集古錄目

唐贈司空并州都督趙王福碑

咸亨元年京兆金錄

唐駙馬都尉房州刺史薛瓘碑

唐吏部尚書馬載忠碑

唐贈益州都督蜀王愔碑

三碑咸亨中立京兆金錄

唐高唐公馬周碑

唐許敬宗撰殷仲容八分書上元元年十月十

六日建復齋碑錄

唐駙馬都尉營州都督周道務碑

上元二年京兆金錄

唐駙馬都尉周道務加上柱國告

按以上八十八行原錯在十卷
耀州唐左僕射張長遯碑後

上元二年京兆金錄

唐右驍衛大將軍阿史那忠碑集古錄作薛忠碑

不著書撰人名氏忠字義節京兆萬年人唐上

元中位至右衛大將軍贈鎮軍大將軍諡曰貞

碑以上元二年十月立集古錄目

碑偶缺其姓游師雄作昭陵圖乃以為薛國忠

而歐陽公亦以為薛國公也今以碑傳參考碑

云出光四鎮入掌六師屬東戶之昌辰處北軍

之重任一居軒禁四十八年而傳云阿史那忠
字義節蘇尼失之子也以功擢左屯衛將軍尙
宗室女定襄縣主妃詔姓獨著史封薛國公

按以上十一行原錯在四卷漢
高陽令楊著碑後以下原缺

涇陽縣

櫟陽縣

高陵縣

興平縣


臨潼縣


武功縣

奉天縣

終南縣

按以上八
縣原缺





上海陸氏沅校字

寶刻叢編卷第十

海豐吳式芬校刊

宋錢塘陳思纂次

陝西永興軍路下

河中府

領縣七
河東 萬泉

臨晉 龍門

猗氏 榮河

虞鄉

唐汾陰后土祠銘

唐胡愔撰并八分書開元四年八月錄金石

唐后土神祠碑陰

按以上九行原缺今補

唐蕭嵩正書皇太子以下題按原缺書名

唐蒲州刺史裴寬德政碑

唐趙良器撰韓擇木分書開元二十四年訪碑錄

唐禹廟題名

唐陝州別駕崔穎等題名字為八分不著名氏

開元二十五年刻集古錄目

唐禹廟頌

唐龍門令呂延祚撰楚順八分書開元中刻于

漢宗季方禹廟題名之上隸續

唐贈文部郎中薛悌碑

唐國子司業蘇預撰武部郎中徐浩八分悌長

按以上十一行原錯在四卷唐萬泉令裴千鈞德政碑後

盧人申宗時為雍州司兵參軍坐魏元忠流死

袁州天寶中子伯連為咸寧令追贈悌文部郎

中集古錄目

唐薛悌碑天寶十三載二月金石錄

唐元宗登逍遙樓詩

唐元宗御製并分書太常卿姜皎書年月蒲州

刺史王嶼以詩刻石請御書碑額表一蒲州刺

史顏真卿書答詔肅宗書以乾元元年立集古錄目


唐王公城河中頌

陳翊撰盧耿正書上元元年十月金石錄

唐萬全令裴千鈞德政碑

按以上十一行原錯在四卷鄧州漢宗資墓天祿辟邪字後

鄧儼書按四字據類編補



陝州

領縣七

平陸

夏

靈寶

芮城

閿鄉

漢太尉楊震碑

隸書不著書撰人名氏其前不完碑首題曰漢

太尉楊公神道碑銘震安帝時位至太尉碑在

陝府閿鄉縣集古錄目

首尾不完其可見而僅成文者云聖漢龍興神

祇降祉乃生於公又云窮神知變與聖同符鴻

漸衡門羣英雲集又云貽我三魚以帝懿德又

云大將軍辟舉茂材除襄城令遷荊州刺史東

萊涿郡太守又云司徒太尉立朝正色恪勤竭忠其餘存者雖多而不復成文矣集古錄

漢故太尉楊公神道碑銘篆額楊公名震宏農華陰人安帝時為司徒垂四載為太尉閱半載以延光三年卒楊氏墓在陝州閿鄉所存隸碑凡四此碑乃其孫沛相統之門人汝南陳熾等所立沛相以靈帝建寧元年卒此碑蓋建寧以後刻者隸釋

漢太尉楊震碑陰

不著書人名氏題名者百九十餘人皆著鄉里姓字而不名集古錄目

碑陰題名者一百九十人其餘摩滅不完者又十餘人余家所錄漢碑陰題名頗多或稱門生弟子或稱從事曹掾之類其人皆著州縣邑里名字甚詳獨此碑所書簡略直云河間賈伯錡博陵劉顯祖之類凡百九十人者皆然疑其所書皆是字爾蓋後漢時人見於史傳者未嘗有名兩字者也漢隸世所難得幸而在者多殘滅不完獨此碑刻畫完具而隸法尤精妙甚可喜也集古錄

碑陰可識者百九十餘人皆其孫之門生也歲月相距又遠故不名隸釋

漢沛相楊君碑

楊君震之後也孝順帝時以掾史召拜郎中累

遷沛相建寧中卒碑為隸字首尾不完失其名

字矣在閿鄉震墓側

集古錄目

首尾不完失其名字按後漢書震及中子秉秉

子賜賜子彪皆有傳又云震長子牧富波相牧

孫奇侍中奇子亮陽成侯又云少子奉奉子敷

敷子衆務亭侯又有彪彪子修楊氏子孫載於

史者止此爾不知沛相為何人也

集古錄

歐陽公集古錄云首尾不完失其名字余按楊

震碑沛相名統震長子富波侯相牧之子也碑

按以上四十四行原缺今補

以建寧三年四月立

金石錄

漢故沛相楊君之碑篆額碑缺不知其名髣髴

有富波君字按楊震碑云長子牧富波侯相牧

子統金城太守沛相則知此為楊統碑也順帝

以其忠臣之苗特召為郎歷常山長史犍為府

丞鮪陽侯相金城太守車騎將軍從事議郎五

官中郎將沛相以靈帝建寧元年立故吏戴條

等共立此碑

隸釋

漢沛相楊君碑陰

楊氏世葬閿鄉墓側皆有碑今其存者四余家

集錄皆得之乃太尉沛相高陽繁陽令也此碑陰者不知爲何人碑文字殘缺存者十五人又滅其一其在者十四人

集古錄

楊統碑陰凡十五人不稱郡皆沛人也

釋隸

漢高陽令楊君碑

漢隸不著書撰人名氏首尾不完不見名字據碑嘗爲高陽令最後爲善

缺

侯相而碑額但曰

高陽令楊君碑據楊震碑高陽令名著震孫也

集古錄目

首尾不完而文字尙可識云司隸從事定穎侯相最後爲善

缺

侯相蓋其中間嘗爲高陽令而

碑首不書最後官者不詳其義也按楊震碑高

按以上二十二行原錯在三卷隨州後

陽令著震孫也

集古錄目

漢故高陽令楊君之碑篆額楊君名著太尉震之孫常山相讓之子碑缺其名得之于震碑仕歷司隸從事議郎高陽令思善侯相年五十三而卒石損立其年

隸釋

漢高陽令楊君碑陰

不著書人名氏碑首尾不完今可見者四十餘人各有所出錢數楊氏數世皆葬閬鄉此碑有稱後公門生者有稱沛君門生者不知何碑之

陰也後公義不可知沛君所謂沛相者也集古錄目

首尾不完今可見者四十餘人楊震子孫葬闕

鄉者數世碑多殘缺此不知為何人碑陰其後

有云右後公門生又云右沛君門生沛君疑是

沛相者自有碑而亡其名字矣後公亦不知為

何人也集古錄

歐陽公云余家集錄得楊震墓域中漢碑四震

及沛相繁陽高陽令碑并得碑陰題名然得時

參錯不知為何碑之陰也集古所有余盡得之

又各以碑陰附于碑後其曰懷陵圍令蔣禧字

武仲者沛相碑陰也其曰故吏故民故功曹史

故門下佐者繁陽令碑陰也其曰右後公門生

右沛君門生者高陽令碑陰也金石錄

楊著碑陰其間有沛君門生者沛相統也後公

門生者太尉秉也楊震拜于前故以秉為後沛

君者著之從兄後公者著之季父後公之薨其

猶子繁陽君委榮而投綬高陽君以沛相之喪

亦棄官而歸一門孝義如此宜其門人事之如

一伐石立表無彼此之分非皆著之門生也故

不名隸釋

漢繁陽令楊君碑

漢隸不著書撰人名氏殘缺不完不見其名字

其可見者曰富波君之小子據楊震碑富波侯相名牧震之子也碑以熹平中立集古錄目

首尾不完文字磨滅可識者四百三十字不可

識者六十一字碑云遭叔父太尉薨又云富波

君之子也按漢書楊震子牧為富波相君迺牧

子也叔父太尉者秉也惜其名字磨滅不可見

矣集古錄目

漢故繁陽令楊君之碑銘篆額逸其名楊君者

太尉震之孫富波侯相牧之子太尉秉之猶子

沛相統之親昆弟高陽令著之從昆弟也自郎

中除右都侯繁陽令以靈帝熹平三年卒集古錄釋

漢繁陽令楊君碑陰

隸書凡故吏故民處士等百餘人集古錄目

按以上四十四行原錯在一卷東京後

唐陳平北廟碑

在芮城縣北十五里碑云二十六世孫陳處靜

按以上二行原缺今補

以唐武德四年自南遷北此廟有碑二古柏森

然寰宇記

唐砥柱山銘

唐魏徵撰薛純隨書諸道石刻錄

在硤石縣唐貞觀十二年太宗東巡臨幸於此

今有魏徵所製碑銘寰宇記

唐獨孤府君頌德碑

唐陝石尉孟缺休撰桃林主簿盧元珪書

碑今缺府君名不可見其字曰思思下又缺一

字河南洛陽人給事元愷之子為陝州桃林令

入為水部員外郎桃林人立此碑以頌德據唐

按以上十一行原錯在一卷尉氏縣後

書表元愷二子曰思莊思行而亦不著名此不

知其為誰也碑以調露二年立集古錄目

唐元府君德政碑

不著書撰人名氏府君名思哲字知仁河南洛

陽人以絳州夏縣令卒于官縣人右監門校尉

陰神義等為立碑以頌德以調露二年立在夏

縣集古錄目

周石柱銘

唐陝州刺史碑缺撰八分書不著名氏

者相傳以為周召分陝所立以別地

所刻年月驗其字武后時

題名集古錄目

唐楊元元陵碑

唐崔沔撰梁昇卿八分書開元六年四月金石錄

唐萬回法師碑

唐徐堅撰行書無姓名開元十年閏五月

金石錄

唐立關龍逢碑

在靈寶縣西南七里唐太宗東巡致祭開元十

三年立碑舍人吳鞏之詞

寰宇記

唐刺史盧奐廳事記

唐元宗御製御書帝西幸過陝府至奐廳事題

贊於其壁奐以刻石并謝表批答附于後碑以

按以上二十二行原錯在三卷鄧州後

開元二十四年十月立

集古錄目

唐明皇注道德經

經元宗書注皇太子紹及慶王宗等奉勅書初

開元二十四年元宗已注道德經道門司馬秀

等奏請兩京及天下應修官齋等州造立石臺

刊勒經注宏農太守趙冬曦立在闕鄉

集古錄目

唐李涇德政碑

唐河中猗氏縣丞

缺 炅 按類編作靈

撰吏部常選張

休倩書絳州夏縣令李涇之德政碑也涇字涇

碑以開元二十七年立在夏縣

集古錄

唐楊仲昌碑

唐尚書左丞席豫撰鄔繇篆

與神道碑同開元二十八年立在闕鄉

按原缺書名

唐楊元琰述先史記

唐徐彥伯撰劉升八分書開元中立諸道石刻錄

唐三門紀功頌

唐太子亨題額棣王璿分書天寶三年十二月

建復齋碑錄

唐靈寶縣令裴遂按一本作璩遺愛頌

唐賈庭謠序按類編作譔王誣銘史惟則八分書

天寶中立諸道石刻錄

唐郭英乂紀德碣

唐中書舍人姚子彥撰不著書人名氏英乂字

英乂太原晉陽人嘗為陝州刺史碑以肅宗元

年立集古錄目

唐雍王遊三門記

唐元帥府判官裴傲按類編作傲撰行軍司馬李進

按類編作晉書雍王題額代宗廣德初雍王為天下

兵馬元帥東討史朝義師還次陝因登三門問

從官以古今興亡治亂之迹作此記廣德二年

刻在三門按原缺書名

唐立傳說廟碑

唐侍御史內供奉楊麟按一本作麟撰夏縣尉宗正

卿八分書大四年立在夏縣集古錄日

唐楊仲昌後碑

唐檢校禮部尚書席豫撰太子少保致仕韓擇

木八分書仲昌字曼開元中官至吏部郎中碑
以大麻六年追立在閩鄉集古錄目

唐德宗題陝州佛堂院壁詩

不著書人名氏帝時為雍王天下兵馬元帥大

麻七年陝虢觀察使皇甫溫刻集古錄目

唐昭義節度薛嵩神道碑

唐禮部郎中程浩撰梁州都督府長史翰林待

詔韓秀實八分書薛公名嵩楚王之子也初為

史思明將朝義敗以其地降即拜昭義節度封

平陽郡王碑以大麻八年立在夏縣集古錄目

唐韋奧遺愛頌

唐監察御史鄭士林撰前進士胡証八分書奧

字又元京兆杜陵人嘗為夏縣令此碑夏縣人

所立以貞元二年八月刻在夏縣集古錄目

唐召伯祠堂記

唐崔敖撰房次卿書李惟益篆額貞元年立碑訪錄

唐陽公舊隱碣

元和六年立詩碑錄

唐刑部郎中胡証撰夏縣令黎熯書縣李靈

省篆額証其門人也無所立年月在夏縣集古錄目

唐世篆法自李陽冰後寂然未有顯於當世而

能自名家者靈省所書陽公碣筆畫甚可佳既
不顯聞於時亦不見於他處以余家所藏之博
而見於錄者惟此雖未為絕筆亦可惜哉集古錄目

唐薛平增修家廟碑

唐左散騎常侍集賢院學士馮宿撰給事中裴
潏書河中節度使薛平增修其家廟以大和三
年立此碑在夏縣集古錄目

唐寓居石表記


唐陝府芮城縣尉馮禮與書隋大業中高祖寓
居芮城縣之至德鄉大甲十三年縣令高元纂
按以上六十六行原錯在十八卷渠州後以下原缺


菩提達摩碑

圓覺大師塔碑

三碑諸道石刻錄

按以上三行原錯在三卷隨州漢義井碑後
文不相屬考達摩塔在陝州熊耳山今有唐
再建圓覺大師達摩塔記大中七年立則
此三行乃陝州碑尾也其前尚有脫簡





延州

中都督延安府秦屬上郡漢初為翟國尋復為上郡後漢因之漢末羌胡侵優戶口流散郡縣廢焉後魏置東夏州西魏改曰延州置總管府隋置延安郡唐復為延州梁號忠義軍後唐改曰彰武皇朝升延安府今縣七
膚施 延州 甘泉 門山
臨真 敷政


唐石像文并陰

唐延州別駕唐**瑛**撰不著書人名氏顯慶中**瑛**

之祖季卿為延州刺史造石龕立三佛像開元

中**瑛**復為州別駕加以鐫飾以開元二十七年

立此碑并碑陰題名集古錄目



同州

戰國時屬魏秦屬內史項羽分屬塞國
 漢高帝置河上郡景帝分爲左內史武
 帝改爲左馮翊東漢因之魏除左字但
 爲馮翊郡晉及元魏皆因之兼置華州
 西魏改曰同州隋初郡廢大業初州廢
 復置馮翊郡唐武德元年曰同州天寶
 元年曰馮翊郡梁曰忠武軍皇朝
 太平興國七年升定國軍今縣六
 馮翊 澄城 朝邑 韓城
 郃陽 白水

後周河瀆廟碑

後周車騎大將軍王褒撰車騎大將軍趙文淵

奉勅書字爲隸體初北齊天統十六年周文帝

請立四瀆廟于華山郡使郡守楊子昕營建武

帝朝晉公護東政廟在其封內又增修之而立

此碑以天和二年十月立

集古錄目

隋興國寺碑

按寶刻類編作興福寺碑撰書年月并同在梓州

李德林文張孝徵書開皇四年

訪碑錄

唐無量壽佛大像碑

不著書撰人名氏唐興國寺沙門道宗造無量

壽佛大像未成而卒其徒智常成之貞觀十年

同州刺史隴西郡王博文為立此碑

集古錄目

唐三藏聖教序記

序唐太宗御製記高宗御製中書令褚遂良書

永徽四年刻在永興今此本序記同為一石字

畫並同而刻石在永興本後十年疑模本也龍

朔三年六月立

集古錄目

唐河瀆紀瑞頌

唐崔禹錫撰王崇敬分書先天元年立

金石錄

唐河侯新祠頌

唐秦崇撰王晏行書開元九年四月立碑云河

伯姓馮名夷字公子潼鄉華陰人也

金石錄

唐同州別駕崔禹傳

唐權倕撰党撫八分書開元二十五年春

金石錄

唐洛祠志

行書無書撰人名氏天寶六年三月立

金石錄

唐鄭頊注心經

正書無姓名天寶九

按原

作元年四月

金石錄

不著書人名氏疑預自書蓋開元天寶之間書

體類此者數家如擣練石韓公并記洛祠志皆

一體而皆不見名氏此經字體不減三記而注

尤精勁

集古錄目

唐阿那寺碑

韓休撰僧闕

按原

作闕

秘書大[曆]二年立在澄城縣

訪碑錄

唐贈太常卿王仁忠碑

唐江夏太守李邕撰都水使者集賢殿學士史


惟則八分書仁忠字揖太原祁人位至左千牛


衛將軍永泰中以子崧贈太常卿碑以大[曆]三

年立

集古錄目

按以下原缺





華州

領縣五

下邽

蒲城

華陰

渭南

漢西嶽華山廟碑

不著撰人名氏書佐郭香察隸書延熹四年洪農太守袁逢以嶽廟故碑磨滅改立碑作銘會遷為京兆尹後太守孫璆成之碑以延熹八年立在華嶽其後有唐人題名

集古錄目

文字尚完可讀其述自漢以來高祖初興改秦淫祀太宗承循各詔有司其山川在諸侯者以時祠之孝武皇帝修封禪之禮巡省五嶽立宮其下宮曰集靈宮殿曰存僊殿門曰望僊門中

宗之世使者持節歲一禱而三祠後不承前至
於亡新寢用邱虛建武之元事舉其中禮從其
省但使二千石歲時往祠自是以來百餘年所
立碑石文字磨滅延熹四年洪農太守袁逢修
廢起頓易碑飾闕會遷京兆尹孫府君到欽若
嘉業遵而成之孫府君諱璆其大略如此所謂
集靈宮者他書不見惟見此碑

集古錄

歐陽公集古錄云所謂集靈宮者他書不見惟
見於此碑爾余按班固漢書地理志華陰有集
靈宮武帝起而酈道元水經注亦云敷水北逕
集靈宮引地理志所載其語皆同然則不獨見
於此碑矣而所謂存仙殿望仙門者諸書不載

金石錄

西嶽華山廟碑篆額威宗延熹四年袁逢守宏
農郡以華嶽舊碑文字摩滅遂按經傳載原本

以上二十六行原缺今補

勒斯石以垂後會遷京尹乃勅都水掾杜遷市
石遣書佐郭香察書碑成於後之四年蓋孫璆
典郡時也郭香察書者察莅他人之書爾小歐
陽以為郭香察所書非也

隸釋

漢斥彰長斷碑

在華陰已斷裂惟存下一段故其姓名皆亡矣

所可見者假除百石遷補任尉假印綬守廣平
下曲陽令斥彰長熹平二年秋七月寢疾不豫

最後題熹平木年十月九日辛酉造金石錄

斥彰長田君斷碑所存其下一段與趙氏所藏

者同文雖半亡遺字一一明白碑云其先高祖

時以吏二千石自齊臨淄徙關中祖興先為執

金吾弟颺漁陽太守孫布光武中興云云史記

高祖徙貴齊田氏關中後漢傳朔方人田颺引

兵至單于庭迎盧芳入塞帝紀建武七年盧芳

所置朔方太守田颺舉城降則斥彰蓋諸田之

後碑云二年七月卒而缺其年名未有立碑歲

月始知物故在熹平年但斥彰非所終之官趙

氏強名姑仍其舊碑中字札嫵媚甚類華租華

山亭碑書之者好用奇字隸續

漢樊毅西嶽華山亭碑

隸書不著書撰人名氏據碑漢光和元年宏農

太守河南樊毅字仲德初至郡親祠西嶽以其

齋室逼窄使縣令胸忍先讜繕治之明年正月

已卯而就立此碑集古錄

漢樊毅修西嶽廟復民賦碑

隸書不著名氏漢宏農太守樊毅上尚書表也

毅使從事荀班華陰令先讜繕治嶽廟并復華

下十里民田租口筭以其事表上光和二
年也碑久湮沒唐興元元年華陰令盧倂求得而爲
之記八分書於碑末在華嶽廟中

集古錄目

碑云光和二
年十二月庚午朔十三日壬午
宏農太守臣毅頓首死罪上尚書臣以去元年十
一月到官其十二月奉祠西嶽華山省視廟舍
及齋衣祭器率皆久遠有垢臣以神嶽至尊宜
加恭肅輒遣行事荀班與華陰令先讜以漸繕
治成就之又曰讜言縣當孔道加奉尊嶽一歲
四祠養牲百日或有請雨齋禱役費兼倍小民
不堪有饑寒之窘乞差諸賦復華下十里以內

民租田口臣輒聽盡力宣奉詔書恩惟惠利此

碑粗完故錄其首尾臣毅者樊毅也

集古錄

樊毅乞復華下民租田口筭狀此碑全載光和二
年壬午奏牘別無他詞蓋毅到郡卽遣官屬
繕治廟宇縣令以地當孔道一歲四祠有養牲
之費調發之勞故爲華下十里之內希旬恩卹
雖不同孔廟卒史碑併載朝廷施行語案後碑
云上奏復賦克厭帝心則知已從其請矣碑後
有唐興元中縣令盧倂題字云碑在廟北隙地
沒於荒榛時方徙之縣治云

隸釋

漢樊毅修華嶽碑

隸書不著書撰人名氏漢光和二年華陰太守樊毅修嶽祠記也并唐貞元三年檢校太子庶

子董叔經等十五人題名附錄集古錄目

華嶽有樊毅之碑三華亭及華租碑皆云祠事

在元年季冬華亭碑云繕治就緒在二年正月

此碑敘始祠乃在二年十月與前碑不同前碑

以午年季冬已巳齋祠至來春已卯一旬之內

工役已就則所修者散齋外亭爾蓋是以次整

治二役相繼至末年之冬衆作咸畢十月之祠

乃是次年再舉此云役不干時而功已著蓋欲

美其速成故不引午年之祭也隸釋

漢毅阮君神祠碑

漢隸不著書撰人名氏中條山有石隄樹谷嘗

湧溢爲患故立毅阮泄其水注之於渭自前漢

時立廟以祠之其後阮稍堙塞廟亦毀廢後漢

鄭縣令裴巽字君光復浚阮立廟碑以光和四

年六月立并縣丞夏龔等題名者六十三人在

鄭縣集古錄目

慶麻中樞密直學士施昌言爲陝西都轉運使

爲余模此本云碑文已磨滅初不可辨以麪填

其刻稍存其點畫命工鐫治之乃可讀漢碑今

在者類多磨滅不完故斯碑歷歷可見也惟裴

晁姓名爲鄉人饒去矣殺阮所以蓄泄水患光
和中晁爲鄭縣令始修復之事見水經及華州
圖經殺阮君祠今謂之五部神廟其像有石隄
西戍樹谷五樓先生東臺御史王翦將軍皆莫

曉其義

集古錄

歐陽公集古錄云殺阮君祠今謂之五部神廟
其像有石隄西戍樹谷五樓先生東臺御史王
翦將軍莫曉其義今此碑有云石隄樹谷南通
商雒又云前世通利吏民興貴有御史大夫將
軍牧伯故爲立祠以報其功乃知石隄樹谷御
史將軍之號自漢以來有之流俗相傳其所從

來遠矣而水經云鄭縣城南山北有五部神廟
廟前有碑光和四年鄭縣令河東裴晁字君光
立又知五部神自齊魏間已有此號矣

金石錄

殺阮君神祠之碑銘篆額在鄭縣靈帝光和四
年縣令裴晁字君光立碑無縣令姓名據水經
得之殺有二陵古稱地險蓋山阜高深雨盛水
集有阮以儲之則可以疏泄溉注而無溢溢之
患自魏晉以來謂之五部神廟歐陽公嘗託部
使者模此碑命工以麪填其刻而鐫剔之始可
讀云廟有石隄西戍樹谷五樓先生東臺御史
王翦將軍之像莫可曉今碑云石隄樹谷南通

商雒當是有石爲隄有木爲谷後人因以名其
神碑云前世通利吏民興貴有御史大夫將軍
牧伯故爲立祠考其文意蓋謂前世阮不堙塞
水泉通利地產人物有至御史將軍牧伯之貴
者後人不考亦以名其神爾碑之末有題名六
十六人云有秩長安知其皆長安人也隸釋
漢殺阮君神祠碑陰

碑陰題名三百四十二人其磨滅不可見者三
十餘字小而勁漢隸之神品也前碑之後曰有
秩者六十餘人在碑之陰則無秩可知矣隸釋
碑陰及縣吏鄉人題名其完好可識者三百餘

人磨滅者又百餘人小字淳勁可喜金石錄

漢華嶽廟碑

在華陰漢鎮遠將軍段熲更修之碑黃門侍郎
張昶書魏文帝與鍾繇各於碑陰刻二十字此

碑垂名海內寰宇記

按以下原接唐臧懷恪碑是耀州鐫簡

漢司徒劉奇碑

在華陰諸道石刻錄

漢劉黨碑

在華陰墓下文字磨滅諸道石刻錄

晉王猛碑

在華陰縣東八十里寰宇記

後魏大代華嶽廟碑

不著撰人名氏後魏鎮西將軍略陽公侍郎劉

元明書太延中改立新廟以道士奉祠春祈秋

報有大事則告碑以太延五年五月立集古錄目

後魏修華嶽廟碑

不著書撰人名氏後魏興光元年詔遣侍中遂

西王常英祈曹尚書苟尚等重葺嶽廟二年立

此碑集古錄目

後魏崔浩碑

興光二年訪碑錄

後周華嶽廟碑

萬鈕于瑾撰趙文淵書天和二年十月金石錄

隋楊雄碑

不著撰人名氏書學博士姓名缺書雄隋之疎屬

官至司徒封觀王諡曰德碑以大業九年立集古錄目

按以上二十二行原錯在四卷伊陽縣後

唐靈仙寺碑

唐秦王府記室參軍薛收按原

撰國子書學博

士缺鳳卿書寺在西嶽沙門妙達所建碑以貞

觀元年立集古錄目

唐長明燈銘

唐鄭行寶撰顯慶二年二月八日建復齋碑錄

周渭南縣令李思古清德頌

唐直崇文館馬按通志略作馮吉甫撰不著書人名氏

李君名思古渤海蓀人為鴻州渭南令入拜右

司員外郎鄉人為立清德碑以聖厯元年十月

立集古錄目

其首題云大周鴻州渭南縣按新唐書則天天

授二年析雍州之渭南慶山置鴻門縣遂以渭

南慶山鴻門高陵置鴻州大足二年州廢矣集古錄

唐沙州司馬楊榮碑

榮孫元表字伯儀按金石錄作元伯儀撰似誤韋同分書

神龍二年三月建在蒲城縣復齋碑錄

唐衛州司馬楊恪碑

唐張柬之撰八分書姓名殘缺神龍二年歲次

敦臧三月建在蒲城縣復齋碑錄

唐右武衛大將軍李恩訓碑

恩訓從子福州刺史李邕撰并書恩訓子建景

按以行原錯在本卷唐德表禪師碑前

皇帝之後官至右武衛大將軍諡曰昭碑以開

元八年立在蒲城集古錄目

唐涼國長公主碑

唐蘇頌撰明皇八分書開元十二年八月立公

主睿宗女也

金石錄

唐西嶽大洞張尊師碑

唐王延齡撰李慈書尊師名敬忠字誠華陰盟

東里人爲西嶽雲臺宮主碑以開元十四年四

月立

集古錄

慈之書體兼虞褚而適麗可喜然不知爲何人以其書當時未必不見稱於世蓋唐人善書者多遂不得獨擅旣又無他可稱遂至泯然於後世以余集錄之博慈所書碑祇得此爾

集古錄

唐高祖駐馬佛堂碑

唐渭南縣典法寺僧貞慶撰并八分書高祖武

德二年嘗幸渭南至大韓村其父老以爲榮立

佛像於其地謂之駐馬佛堂歲久碑記缺落開

元十七年村人韓祚等重建

集古錄

唐華嶽真君碑

唐華陰丞陶翰撰韋騰書元宗開元十九年加

五嶽神號曰真君初建祠宇立此碑

集古錄

唐代國長公主碑

按以上二十二行原錯在三卷鄧州後

公主婿鄭萬鈞撰并書公主睿宗第四女也碑

以開元二十二年十二月立金石錄

唐刺史楊瑒遺愛頌并陰

唐王暉撰史惟則八分書開元二十三年立碑

陰記史惟則八分書金石錄

唐鄭虔禱華嶽文

開元二十三年四月二十三日復齋碑錄

唐華山石闕題名

自唐開元二十三年鄭虔題名為首後二百一

年至後唐清泰二年戶部侍郎楊凝式而止其

間無年月時世者悉列於後總五百一人在華

嶽廟中集古錄

自唐開元二十三年訖後唐清泰二年實二百

一年題名者五百十一人再題者又三十一人

往往當時知名士也或兄弟同游或子姪並侍

或僚屬將佐之咸在或山人處士之相攜或奉

使奔命有行役之勞或窮高望遠極登臨之適

其富貴貧賤歡樂憂悲非惟人事百端而亦世

變多故開元二十三年歲在丙子是歲天子躬

耕藉田肆大赦羣臣方頌太平請封禪蓋有唐

極盛之時也清泰二年歲在乙未廢帝篡立之

明年也是歲石敬瑭以太原反召契丹入自鴈

門廢帝焚於洛陽而晉高祖入自太原五代極

亂之時也終始一百年間或治或亂或盛或衰而往者來者先者後者雖窮達壽夭參差不齊而斯五百人者卒歸於共盡也其姓名歲月風霜剝裂亦或在或亡其存者獨有千仞之山石爾故特錄其題刻每撫卷慨然何異臨長川而歎逝者也

集古錄

唐左輔頓僚西嶽廟中刻石記

唐權倕撰李琚八分開元二十四年八月復齋碑錄

唐華嶽廟碑

唐元宗御製御書諸道石刻錄

唐御製華嶽廟碑述聖頌

唐京兆府富城縣尉達奚珣撰序右補闕集賢殿學士呂向撰頌并書元宗御製御書華嶽廟碑建於廟中珣等遂作此頌以開元中立集古錄目

唐金仙長公主碑

唐徐嶠之撰明皇行書開元中立金石錄

唐鄜國長公主碑

唐張說撰明皇八分書開元中立訪碑錄

唐韓賞祭華嶽文

唐右補闕韓賞撰諸王侍書榮王府司馬韓擇木八分書自陳其志以忘身憂國爲已任以盟於神天寶元年四月刻在華嶽集古錄目

唐雲 按原作靈臺觀主張敬忠碑

唐何思遠撰郭懷漸書天寶六年正月立 金石錄

唐嶽廟古松詩

唐韋元志撰右補闕集賢院學士衛包古文篆

天寶九年立 集古錄目

唐御書華嶽碑堂修飾記

唐衛包撰并正書天寶九年正月立 金石錄

唐雲臺觀三方功德頌

唐右補闕內供奉集賢院修書衛包撰并書字

為古文據碑天寶中詔書功德於華山雲臺宮

并安御容重飾金天王廟前御製碑而作此頌

以天寶九年四月立 集古錄目

唐雲臺觀金籙齋頌

唐衛包撰并書字為古文 元宗自開元中每歲

之千秋節設金籙齋於華嶽雲臺宮碑以天寶

九年四月立 集古錄目

雖不著書人姓氏而字為古文實為包書也唐

世華山碑刻為古文者皆包所書包以古文見

稱當時甚盛蓋古文世俗罕通徒見其字書多

奇而不知其筆法非工也余以集錄所見三代

以來古字尤多遂識之爾 集古錄

唐修金天王廟靈異述

唐衛包撰并正書天寶九年四月立金石錄

唐顏魯公華嶽題名

唐顏魯公書以乾元元年為饒州刺史題於華

嶽廟集古錄目

唐渭南令路嗣恭遺愛表

唐考功郎中知制誥蘇源明撰不著書人名氏
嗣恭字嗣恭平陽人初名劍客開元中歷數縣
令皆有能名明皇以為可嗣漢魯恭故賜此名
復歷渭南令至朔方留後上元二年渭南為立

此表在渭南集古錄目

唐贈揚州都督段寬神道碑

唐楊炎撰蕭正按通志略作修正書大厯四年十月金石錄

唐贈工部尚書王忠嗣碑

唐元載撰王縉行書大厯十年四月金石錄

唐華嶽精享昭應之碑

興元元年十二月立諸道石刻錄

唐節度李元亮懋功昭德頌

唐張濛撰韓秀弼八分書李彝篆額貞元五年

十月金石錄

唐冠軍將軍烏承玳碑

唐左散騎常侍河南尹許孟容撰魏博節度副

使胡証八分并篆額承玘字德潤張掖人官至右領軍使冠軍將軍此碑不完纔有其半不見

所立年月

集古錄目

唐烏承玘碑元和七年正月立

金石錄

唐刺史廳堂記

唐吳丹撰并正書元和八年二月

金石錄

唐刺史後閣記

唐李正辭撰正書元和八年二月

金石錄

唐少府監胡珣碑

唐潮州刺史韓愈撰左金吾衛大將軍胡証八分書并篆額珣字潤溥貝州宗城人官至少府

監碑以長慶三年四月立在蒲城縣

集古錄目

唐司徒烏重

按原作承

允碑

唐司徒平章事裴度撰山南東道節度使竇易

直書重允字保君京兆人官至天平橫海等軍

節度使司徒平章事碑以大和二年四月立

集古錄

錄目

唐沈傳師金天王廟題名

大和二年十月盧僊沈論同謁

諸道石刻錄

唐賈竦謁華嶽廟詩

唐賈竦撰并書大和六年竦從子琰刻在華嶽

廟

集古錄目

唐贈太尉白敏中碑

唐中書侍郎平章事畢誠撰中書舍人王鐸書敏中字用晦太原人歷相宣宗懿宗以太傅致仕卒贈太尉碑以咸通三年立在下邳

集古錄目

唐濟安侯廟記

唐李巨川撰柳懷素正書光化二年四月一日

記

復齋碑錄

唐李德讓碑

唐史惟則篆書

諸道石刻錄

唐令狐彰華山詩

唐史惟則八分書

訪碑錄

唐平淮將佐題名

唐馬總等題名

諸道石刻錄

唐使院石柱記

唐李商隱撰

諸道石刻錄

李靖上華嶽書


寶覺寺碑

興法寺碑

金臺觀碑

龍遊宮碑

五碑並諸道石刻錄



耀州

春秋戰國屬秦秦屬內史項氏分屬塞
 國漢初屬河上郡後屬左馮翊秦漢及
 晉皆因之元魏置北雍州西魏改為官
 州又置北地郡尋改為通川按原郡隋
 開皇初郡廢大業初州廢屬京兆郡義
 州二年置宜君郡唐武德四年改曰宜
 州貞觀十七年州廢天祐三年復置宜
 州大足元年又廢天祐三年復置宜
 貞觀制置耀州仍升義勝軍節度梁未
 帝時茂貞養子溫韜以州降梁梁改為
 崇州靜勝軍後唐同光元年為耀州以
 為順義軍皇朝開寶五年為感義軍太
 平興國元年改
 感德軍今縣七
 華原 富平 三原 雲陽
 同官 美原 淳化

唐太子少師竇良碑

唐于志寧撰王行滿書貞觀十二年立在三原

京兆金
石錄

唐贈司徒河間元王孝恭碑

唐岑文本撰于立改正書貞觀十四年立在三

原金石錄

唐潭州都督巢國勇公錢九隴碑

唐揚州都督密貞王元曉碑

二碑貞觀中立京兆金
石錄

唐刑部尚書彭城襄王德誠碑

唐許敬宗撰李元模書永徽二年立在三原京兆

金石錄

唐左僕射張長遜碑

按以下原接唐閻讓
碑是醴泉縣錯簡

唐鈕孝孫撰劉損之書永徽五年立在富平京兆

金石錄

唐越州都督于德芳碑

從弟志寧撰蘇季子分書麟德元年四月八日

建在三原復齋
碑錄

唐于志寧神道碑

唐令狐德棻撰男立政書乾封元年十一月立

金石錄

唐淄川公李孝同碑

撰人姓名殘缺諸葛思禎正書咸亨元年五月

金石錄

按以上十一行原錯在四卷伊陽縣後此處當尚有脫簡故道孝王元慶以下十四碑而未云上十五碑也

唐贈司徒荊州都督道孝王元慶碑

唐贈司徒益州都督鄭惠王元懿碑

唐贈司徒并州都督江安王元祥碑

唐贈司徒冀州都督滕王元嬰碑

唐太尉絳州刺史韓王元嘉碑

唐司徒貴州刺史霍王元軌碑

唐太子太師魯王元夔碑

唐贈司徒益州都督鄧康王元裕碑

唐贈司徒荊州都督彭思王元則碑

唐金州刺史鄂悼王元亨碑

唐贈荊州總管潭國襄公邱和碑

唐潭州都督吳興郡公沈叔按一本作淑安碑

唐左武衛大將軍樊興碑按碑今存永徽元年七月立

唐賀蘭公碑

上十五碑在三原金石錄

唐國子司業于立政碑

撰人姓名殘缺陳遺玉八分書調露元年十二

月金石錄

國子司業于可封碑弟淑之撰調露元年立諸道

石刻

唐美原神泉詩序

唐韋元旦撰篆書無姓名垂拱元年四月金石錄

按以上二十二行原錯在本卷周道務加柱國告後

唐德表禪師碑

垂拱二年諸道石刻錄

周雍州明堂縣令于大猷碑

正書書撰人姓名殘缺聖歷三年十一月金石錄

唐左衛威遠府折衝姚迥碑

在富平景龍二年立京兆金石錄

唐清邊軍總管楊乾緒碑

唐富平主簿褚琇撰正字權瓌八分書乾緒字

幼紹雍州富平人官至宣威將軍右玉鈐衛幽

州開福府折衝都尉清邊軍總管致仕碑以先

天元年十一月立集古錄目

唐兗州都督于知微碑

唐姚崇撰正書無姓名開元七年六月三日建

在三原復齋碑錄

唐神德寺碑

八分書不著書撰人名氏神德寺故後魏之會

同寺也唐垂拱三年有司奏自華原之石門山

徙于被禰城北魏龍華寺故基而立之碑以開

元八年立

集古錄目

唐相州刺史竇忠仁碑

唐國子祭酒徐堅撰八分書不著書人名氏忠

仁字恕扶風平陵人位至相州刺史碑以開元

按以上二十二行原錯
在本卷唐李思訓碑後

十一年立在三原

集古錄目

唐贈工部尚書臧懷恪碑

唐撫州刺史顏真卿撰并書懷恪字貞節東莞

人官至右武衛大將軍贈工部尚書碑以開元

十二年立在三原

集古錄目

唐左羽林大將軍臧懷亮碑

按金石錄作臧希亮碑開元十八年十月

唐陳州刺史李邕撰并書懷亮字明時東莞莒

人官至左羽林大將軍碑以開元十九年立在

三原

集古錄目

唐三原令乙速孤令從清政頌

唐梁陟撰陳載正書開元二十六年四月建

復齋

碑錄

唐洪福寺彌勒石像碑

唐同官主簿韓滉撰并書集賢院學士衛包題

額彌勒石像者長安中縣人趙貞等造寺僧圓

証重修碑以天寶五年立在同官

集古錄目

唐果毅都尉臧

按原作臧崇碑

天寶七年立 諸道石刻錄

唐美原夫子廟碑

唐行美原縣令王巖撰并書天寶中初尊夫子爵為王碑以天寶八年立在美原 集古錄目

縣令王巖字山甫撰并書巖天寶時人字畫奇怪初無筆法而老逸不羈時有可愛故不忍棄之蓋書流之狂士也文字之學傳自三代以來其體隨時變易轉相祖習遂以名家亦烏有法邪至魏晉以後漸分真草而羲獻父子為一時所尚後世言書者非此二人則皆不為法其藝誠為精絕然謂必為法則初何所據所謂天下孰知夫正法哉巖書固自放于怪逸矣聊存之以備博覽 集古錄

唐神德寺彌勒閣碑

唐杜黿撰馬順書彌勒閣者開元中沙門會覺所立天寶十一載馮翊人張祥德重建碑以十

二載立在華原 集古錄目

唐內府局丞劉琦碑

沙門惟一撰天寶十二載 諸道石刻錄

唐贈榮州刺史臧公碑

唐王齊問撰張頌行書天寶中立 諸道石刻錄

唐金輪寺僧為程元振建勳業碑

猶子若鎮撰寶應元年諸道石刻錄

唐太尉李光弼碑

唐顏真卿撰張少悌書廣德二年十二月立在

富平金石錄

唐臧氏糾宗碑

唐湖州刺史顏真卿撰并書臧氏東莞人自唐

初靈州都督寵而下至京府參軍叔清族系名

字官闕悉載于碑不知所刻年月在三原集古錄目

唐沛縣令于默成碑

季子休烈撰序劉單銘史惟則八分書大[麻]三

年正月金石錄目

唐贈司空李楷碑按當作李楷洛碑

唐楊琰撰史惟則八分書并篆額大[麻]三年立

諸道石刻錄

唐左武衛中郎將臧希忱碑

唐韓擇木撰并書大[麻]四年立在三原金石錄

唐贈揚州都督臧希晏碑

唐張孚撰韓秀弼八分書大[麻]五年立在三原

諸道石刻錄

唐隋羅尼經石柱

唐高沔等書大[麻]八年立諸道石刻錄

唐釋迦像記

唐滑州節度判官豆盧適撰不著書人名氏渭
北節度使臧碑不著名修華原縣攝度按一本寺立

釋迦像之記也碑不著所立年月而稱唐九葉

寶應元聖皇帝又稱唐三甲子甲寅歲則當在

代宗之大曆九年唐興一百五十七年矣碑在

華原集古錄目

按以上六十六行原錯在本卷漢華嶽碑後

唐刑部尚書李光進碑

唐戶部尚書楊炎撰梁州司馬韓秀實八分書

光進字大應光弼之弟官至刑部尚書封武威

郡王碑以大曆十年立在富平集古錄目

唐監軍使贈開府第五昱碑

唐于邵撰史有盈行書建中元年京兆金石錄

唐贈宋州刺史王仁敬神道碑

唐張蕤撰張少悌正書興元二年京兆金石錄

唐贈太子太傅鄴侯李泌碑

貞元四年京兆金石錄

按以上十行原錯在四卷隋楊雄碑後

唐金輪寺碑

唐程獻可撰陰冬曦正書貞元五年京兆金石錄

唐贈戶部尚書符令按一本奇碑

唐鄭叔規撰貞元八年立在富平京兆金石錄

唐贈工部尚書李彙誌

唐沈亞之撰南貞書貞元十八年立在華原

金石錄

唐劍州刺史贈太僕少卿李公碑

按此李廣業碑當作劍州長史

唐鄭雲達按原作達撰并書袁滋篆額貞元二十年

立諸道石刻錄

唐丞相王播碑

按以上十一行原錯在四卷唐國清寺額後

唐中書侍郎平章事李宗閔撰翰林學士承旨

柳公權書播字明敷太原人位至左僕射同平

章事贈太尉碑以大和四年正月立

集古錄目

唐太尉王播墓誌

唐牛僧孺撰柳公權正書大和四年四月立

錄

柳書名重天下當時大臣墓誌非其筆則人以

子孫為不孝今世稱柳書小字必曰王播墓誌

播以金錢附離致位宰相公權少其為人

對延英發其傾邪關通狀矣而復為播書碑豈

迫于內錫之情耶

集古錄目

唐贈越州都督苻璘碑

唐李宗閔撰柳公權書大和七年立

按原九年立諸道石刻

錄

唐柳尊師墓誌

唐翰林學士諫議大夫柳公權撰并書尊師名處幽河東虞鄉人公權弟也碑以開成二年立

華原

集古錄目

唐贈太師王起神道碑

唐戶部尚書平章事李回撰太子少師柳公權書并篆額起字舉之太原人位至山南西道節度使同中書門下平章事贈太師碑以大中元年四月立在三原

集古錄目

修甲伏樓記

劉知實撰劉權書


諸道石刻錄


同官唱和詩

張紹庭碑

二碑諸道石刻錄

按以上二十七行原錯在號州後





鄆州

古幽國春秋戰國皆屬秦屬內史漢屬右扶風安定北地郡漢末置新平郡兼屬安定晉因之西魏置開州後周及隋皆因之陽帝初州廢屬安定北地郡義寧二年復置開州唐開元十三年以字類幽改作鄆焉天寶三年以為新平郡後升靜難軍節度今縣四新本宜祿三水永壽

唐昭仁寺碑

唐諫議大夫朱子奢撰不著書人名氏及立石年月唐太宗卽位其平生戰伐之地皆立寺爲戰死者祈福昭仁寺者嘗破薛舉處也

集古錄目

碑在幽州唐太宗與薛舉戰處也唐自起義與羣雄戰處後皆建佛寺云爲戰七士薦福碑文

爲朱子奢撰而不著書人名氏字畫甚工集古錄

唐納職令王行碑

唐著作郎楊齊哲撰吏部常選南朝馮令書按寶

刻類編作馮合晏書行字缺訛不可辨太原人官至伊州

納職縣按當有令字碑以開元七年五月立集古錄目

唐邠寧節度馬璘德政碑

唐韓雲卿撰張少悌行書大厯三年四月金石錄

唐汾陽王廟碑

唐中書舍人高參撰右威衛倉曹參軍張誼書

邠寧節度使韓游瓌請爲子儀立廟于邠州碑

以貞元二年七月立按金石錄作九月立集古錄目

按以下原缺

唐姜嫄公劉廟碑

唐高郢撰張誼行書貞元九年四月立金石錄

唐五夫人堂記

唐邠寧節度使畢誠撰不著書人名氏據記郭

令公五夫人堂以大厯五年初立然不知所謂

五夫人者爲何神也大中九年刻集古錄目

唐東廳記


唐盧宏茂撰李景初書諸道石刻錄

唐邠寧節度高霞遇按通志德政碑

唐韋處厚撰王良客按一本作容書諸道石刻錄

按以上十行原錯
在四卷伊陽縣後

寶刻叢編卷十



解州

自唐以上地里與河中府同漢乾祐元年割河中之間喜安邑解三縣置解州皇朝因之今縣三

唐贈太尉裴行儉碑

唐右丞相張說撰裴瓘書行儉字紉河東聞喜

人官至禮部尚書金牙道大總管諡曰憲開元

中追贈至太尉碑以開元十八年立在聞喜集古

目錄

唐贈太師裴光庭碑

唐中書令集賢院學士張九齡奉勅撰元宗御

書侍中裴耀卿題御書字兵部尚書同中書門

寶刻叢書卷一
下三品李林甫題額諫議大夫褚庭誨摹勒光
庭字連城河東聞喜人官至侍中正平郡公贈
太師諡忠獻碑以開元二十四年十一月立在
聞喜集古錄目

唐代州都督薛仁貴碑

唐著作郎宏文館學士苗神客撰仁貴元孫左
領軍衛兵曹參軍伯嶷書薛禮字仁貴河東汾
陰人官至明威將軍代州都督碑以天寶二年
立在安邑集古錄目

碑云公諱禮字仁貴河東汾陽人唐書列傳云
仁貴絳州龍門人又不云名禮余家集錄薛氏

碑尤多攬仁貴子楚玉碑亦云父仁貴爾仁貴
爲唐名將當世甚顯著往往見於他書未嘗有
云薛禮者仁貴本田家子奮身行陣其僅知姓
名爾其曰名禮字仁貴者疑後世文士或其子
孫爲增之也仁貴卒於永淳中碑以天寶中建
集古錄

唐鹽池靈慶公神祠碑

唐崔敖撰崔縱正書貞元十三年八月金石錄

唐安邑縣新亭記

唐劉師老撰李銑正書元和元年閏六月金石錄

唐立衛伯玉遺愛碑

伯玉裔孫唐陝虢觀察使次山撰河中節度使

張宏靖書伯玉河東安邑人晉惠帝初以太保

錄尙書事爲楚王瑋所殺碑以元和六年立在

安邑

集古錄目

唐鹽宗神祠記

唐太子右庶子支度安邑解縣兩池權鹽使錢

義方撰試左武衛兵曹參軍盛濤八分書鹽池

神祠故名鹽宗其後又有靈慶祠而主吏不復

親祠鹽宗祠宇隳廢義方重營葺之立此記以

大中十年立

集古錄目

虢州

春秋時爲虢之南境虢亡屬晉戰國時屬秦魏二國秦平天下爲三川郡漢屬西農郡後周廢之隋煬帝置宏農郡恭帝改爲鳳林郡唐初置鼎州今縣三鼎湖爲名後爲虢州今縣三虢略盧氏朱陽

唐張令陽浮圖銘

唐張士貴撰正書無姓名永徽五年十一月立

金石錄

唐大興國寺舍利塔碑

唐相州刺史越王貞撰趙郡李君惠集王羲之

書興國寺楊震學舍也隋文帝仁壽中以舍利

分置天下諸寺此其一也碑以儀鳳四年三月

立集古錄目

唐蒙泉湯記

唐宏農太守趙冬曦撰天寶二年三月甲寅建

復齋碑錄

唐鑄軒轅鼎原銘

唐虢州刺史王顏撰華州刺史袁滋籀書鑄鼎

原者軒轅皇帝鑄鼎之所碑以貞元十一年正

月立集古錄目

按以下原接唐中書侍郎平章事李宗閔撰云云二十七行是耀州玉播碑錯簡

商州

春秋時屬晉戰國時屬秦為內史地漢屬宏農郡東漢屬京兆尹晉初為京兆南郡後置上雒郡魏元因之西魏兼置洛州後周改為商州隋初郡廢大業初州廢復為上洛郡唐復為商州天寶元年曰上洛郡今縣五

上洛 商洛 洛南 豐陽 上津

漢四皓神位刻石

四皓神位神胙凡刻石四在惠帝陵傍驗其字

畫蓋東漢時書也金石錄

圜公神坐角里先生神座圜公神祚机綺里季

神祚机此四人者神座及胙几當各有之今綺

季角里尙闕其一而黃公者未見傳者云數十

前商於農人耕地得此隸釋

四皓之目始見於法言及漢書王貢傳序相承

讀之曰園公曰綺里季曰夏黃公曰角里先生

前賢未始有異故王黃州元之在汝州有詩云

未必頭按原如樗里子也應頭似夏黃公而畢

文簡公嘗譏評之以謂不當云夏黃公蓋杜子

美詩云黃綺終辭漢謂之黃綺則四皓之目宜

曰園公曰綺里季夏曰黃公曰角里先生也僕

初亦以為然蓋逸少有尙想黃綺帖陶淵明詩

亦曰黃綺之商山又曰且當從黃綺皆可按原

以為證然近歲商於耕夫得漢世石刻數種有

云園公神坐綺里季神坐角里先生神坐又各

有神祚机皆漢人隸書其號不應誤則與文簡

公之說異矣當以石刻為正宜從舊目則前人

所謂黃綺者特各取一字以目二人不必皆其

首字也園公石刻乃為園公蓋二字音文為近

或冊按原讀傳寫之差亦當以園為是按顏師

古匡繆正俗有園稱陳留風俗傳自序云園公

之後園公為秦博士遲地南里按東觀餘漢祖

聘之不就惠太子即位以園公為司徒以是書

證之園姓愈曉然矣今尙有園姓者姓氏書多

以園為園公之後此又可證云

三輔舊事云漢惠帝爲四皓作碑於其所隱處
此神坐及祚几豈亦當時所立耶並東觀餘論

唐立漢列按原烈仙四皓碑銘

撰人姓名缺吳嗣缺分書開元十下

唐四皓舊隱圖畫文

唐韋渠牟撰竇羣按通志略作序正書貞元十六年十

月錄金石

唐四皓新廟記

唐蕭曾重建以李華四皓贊按原代銘韋行儉

正書元和八年辛丑歲李棲筠刻復齋碑錄

唐新修橋驛記

唐韋正儉撰柳汶正書元和八年立復齋碑錄

唐商於驛路記


唐翰林學士承旨韋琮撰太子賓客柳公權書

秘書省校書郎李商隱篆額商州刺史呂公碑不

著名移建州之新驛碑以大申元年正月立集古錄目

唐修武關驛記

無書撰人名諸道石刻錄



寧州


秦屬北地郡漢屬北地上郡東漢屬北地安定郡晉因之後没于戊狄元魏獻文置華州孝文改曰班州後為幽州魏改為寧州後周分置趙興郡隋改州曰龜州尋廢州而改趙興郡為北地郡唐復為州天寶元年曰彭原郡今縣四

隋安定縣官寺碑

定平襄樂真寧
 按金石錄非安定
 縣本書又見洛州

開皇八年五月

錄金石



坊州

自隋以前地里與鄜州同後周天和中
元皇帝為數州刺史以此地為馬坊武
德二年分鄜州置坊州因故馬坊
為名天寶元年曰中部郡今縣二
中部
宜君

唐韋維善政論

唐著作郎楊齊哲撰前洛川縣丞直翰林院 缺

庭誨書維字文純京兆杜陵人為坊州刺史此

實紀德碑也以先天元年立 集古錄目

維先天中為坊州刺史齊哲所撰其實德政碑

也特異其名爾 集古錄

唐修秦文公廟記

唐前夏州等節度掌書記李伉撰并書篆額坊
州之南有秦故鄜時祠秦文公夢龍自天下屬
于地立時以祠之世久相傳謂之衙龍神刺史
崔駢改其廟像以為文公祠開成五年立此碑
集古錄



上海陸成沅校字

